

Presidente di Parlamento Paul Croes

Parlamento a haya informacion di WEB riba construccion di parke di molina na Urirama

ORANJESTAD — Parlamento di Aruba no a duna sosten pa jama un referendum pa haya sintimento di pueblo riba construccion di e parke di Molina di Biento na Urirama. Na mes momento Presidente di Parlamento Paul Croes a indica cu e encuesta Parlamentario tampoco a conta cu sosten di mayoria. Croes ta di pensamiento cu Parlamento a haya hopi informacion riba e proceso di construccion di e di dos parke di molina di biento na Urirama.

CONSISTENCIA

Presidente di Parlamento drs. Paul Croes a indica cu e miembro di Parlamento Sr. Andin Bikker a pidi un referendum riba e construccion di e parke di molina di biento. Croes ta haya cu e expresionnan di Bikker no ta consistente cu su posicion, paso Bikker a vota na favor

di un mocion pa para e parke di molina di biento. Si e kier bay un referendum mester warda e resultado di e referendum pero no por tuma un posicion adelanta y despues bay un referendum, esey no ta consistente den loke Bikker a presenta.

REFERENDUM

Referendum ta na momento cu tin decision importante pa un pais ta bay un proceso asina aki. No tur caso ta bay haci uzo di referendum, pero ta importante pa e medio constitucional aki keda na su luga. E ta algo pa evalua kisas na momento di un eleccion si ta haci preguntanan banda di un eleccion pa tuma decisionnan importante. Un referendum no ta algo cu ta dicidi di awe pa mañan pa haci'e. E ta un instrumento democratico cu pais Aruba tin y den e caso aki Bikker no a haya apoyo di

Parlamento pa haci e proceso aki y eynan e proceso a para tambe.

ENCUESTA

Un encuesta Parlamentario ta posibel, pero e mester haya un sosten di mas cu '12 voto pa bay un encuesta. Na defensa di Parlamento Croes a bisa cu Parlamento di Aruba a haci hopi esfuerso pa haya informacion riba e di dos parke di molina di biento. A haci hopi reunion caminda e habitantenan tabata representa y tambe e otro organisacionnan cu tabata contra di e proyecto aki a bin den Parlamento di Aruba.

COMPANIANAN DI UTILIDAD

Banda di esaki tabata tin e organizacion WEB, Utilities y e compania cu ta desaroya e proyecto cu a defende nan ponencia den Parlamento. WEB a expresa nan posicion pa

loke ta e di dos parke di molina di biento. Banda di esaki tabata tin otro comisionnan cu a reuni riba e topico aki. A scucha tambe e profesor nan cu a bin pa e grupo cu ta pro y tambe e grupo cu ta contra. Croes a bisa cu e tabata hopi involvi den busca informacion den e proyecto aki y a hasta asisti na e anochi di informacion na TNO y a vocifera su pensamiento tambe riba e localidad. Parlamento a haci hopi esfuerso pa trece tur e preocupacionnan dilanti, pa gobierno compronde cu e habitantenan tin nan preocupacion y p[er]o finalmente parlamento tuma un decision.

DEMOCRACIA

Mas ainda Parlamento a pidi un investigacion independiente di e Comisie MER na Hulanda. Cu tur esaki a bisa cu for di Parlamento hopi informacion a sali y a busca un



**Presidente di Parlamento
drs. Paul Croes**

cantidad di informacion. Cu e decision cu Parlamento a tuma despues di e reunionnan no ta na agrado di tur hende, esey ta algo comprendibel y p'esey Aruba ta un pais democratico. Pero e posicion cu Aruba ta biba den un estado totalitario y a bisa cu Aruba ta un pais Chavista paso no a habri e porta di Parlamento pa publico, ta un ponencia cu Croes no ta comparti. □